

清公全書

詩
集
稿

夢
虫
吟
文
章

十洲先生詩序

余嘗讀薛文清公讀書錄每欲一洗
其後人又聞公有文集手稿從改名
言諸刻本亦亟欲遍觀而吾識之顧
以相去遠未能訪購時以為憾歲甲
子其雲孫諱天章者遊系師謁余官

邸前所聞諸書乃得縱觀焉繼又出
其大父十洲先生遺集示余曰先大
父登前明崇禎癸未進士為父清公
九世孫品格行誼實出超焉詩若干
篇藏於家今將謀付諸梓余惟十洲
先生以名賢後裔兩宰劇邑有惠政

雖其詩不皆工猶當永其傳况名篇
鉅什自不可沒也而天章一寒士於
先生序紙隻字護惜至今奔走系師
克成先志如此則於父清公諸書其
奉持而篤好之以見於身體力行
者又當何如耶余故樂而為之序

天津周人麒拜書



薛十洲先生詩序

乾隆九年予守官京師同里薛生天章聚糧踵門手其祖十洲先生之詩而請曰此吾祖之遺稿也吾祖為先文清公九世孫登明崇禎間進士令安邱鎮安有惠政其學行能步趨先文清公遺文零落僅存此篇惟先生錫之序以永其傳此亦吾先子之意也言已再拜而退予惟昔文清公未嘗言詩也攷之傳文清公十二歲隨父任滎陽父以所作詩賦呈監司監司竒之既而聞高密魏希文海寧范汝舟深於理學令從之遊文清公遂焚所作詩賦蓋自是不為詞章之學矣今文集中所載非其意之所存也然予嘗讀讀書錄之言曰薛子

嘗冥坐水亭忽鬱然而雲興滃然而雨集泠然而風生鏘然而蟲急羽者飛秀者植童者侍鱗者適羣物雜然而各聲其聲色其色薛子竊然深思獨得其所為聲與色者而中心怡悅不堪持贈焉予不覺恍然曰是非文清公之言詩也夫何文清公之善於言詩也今夫文待學而長皆可以人力至而詩之妙屬之天機天機者吾性靈之所鼓盪忽與有萬之趣相通而因以怦然於心而了然於口此詩之至者也三百篇之諷詠與夫周秦兩漢之歌謠樂府往往皆田夫紅女不經意之言而後之學者窮年不能得其一語蘇李之大成曹劉之自得六朝三唐以來亦鮮及焉無他為人使者易以偽為天使者難

以偽其不期然而然者天使之也是故以鳥鳴春以雷鳴夏以蟲鳴
秋以風鳴冬物之不得不然者也天也哆兮似春淒兮似秋往者似
贈來者似答是人之不得不然者也亦天也以吾之天述於物之天
而喜怒哀樂之感呈焉而長短疾徐之節中焉則詩之趣備矣甚矣
文清公之善於言詩也今觀斯集命意摘詞真慙有味皆達其中之
所不得已絕非世之婉青黃鏤肺腑強言以求悅於人者吾知其與
文清公有合也有詩人之懷而後可以不言詩文清公是也有文清
公之懷而後可以言詩此集是也詩曰惟其有之是以似之則十洲
先生之能追步文清公也信矣遂書以歸之

乾隆九年歲在甲子夏五月端陽前三日蒲坂崔紀序



蓼蟲吟

龍門十洲山人薛昌胤著

合河孫慶槐嵐溪

同編次

石城王居正貞齋

古體詩

賦得客中雨聊以撥悶

客中雨傷客心柿葉擁途滿寒雲棲樹深人生老大
悲車轍行道遲遲芳草歇可惜男兒一片氣牽衣兒
女鷄鳴別宵長郵舍不成眠天波又擁簷頭泉桂玉
關心逆旅切探囊漸縮青銅錢兀坐空堂如木偶僕

來問我沽鄰酒提壺艱步向泥塗蜜甜不適詩人口
極目雲陰覺漸疎驂驛欲駕衰顏舒霧合復擁怒蛟
起客兮客兮將何如

紀夢

綵雲高百丈結蓋半天中忽自他門出光輝逼我躬
手擁斯華膺驚愕面頰紅閭巷四無人瞥眼見先公
問我胡爲爾遜謝語急匆湏臾宗人多觀者徹西東
正在躑躅間城頭鼓辭辭此夢三刀似爲時八月終
寒灰今已矣誰復念其豐

同衛孝廉登龍門

間關少壯家常寄生長龍門賞未遂孝廉携酒御風
來振衣直上看鶴臺身世與空隱興會際烟飛久苦
塵中趣立襟思息機洪鑪作山太古前斧鑿利導非
矯天今人餘技長詡詡古人神功視若捐眼空不受
織物障青冥之外何其曠一線黃流纏六鰲於中緊
扼晉秦吭東望王屋西崑崙嵯海渟南素不渾高低
複岫趨燕支連千萬里爲北門向夕雲拖天驥步轟
雷白晝鯨起霧九折波心草離離巋然獨存明德墓

山下搖鯉水箭流山頭岸幘坐高秋飛觥共爾觀元
化涵虛一氣橫九州

浙東作

瓠落閉門而已矣胡爲馳走四千里囊中羞澁一錢
無贍貯吳山與越水踏遍天南故舊稀龍門家在未
能歸江湖滿地春陰合雲外行行雁北飛

雪中偶興呈友人

正月二月白雪飛梅花梨花是耶非要湏滿酌高陽
酒射虎南山並馬歸

近體詩

得陶山暄社丈書

陶以詩自負余復以詩受陶知所謂傾蓋而
故者非耶

四海豈無友蒼茫誰識音但憑詩卷在不用酒杯深
古道開青眼騷魂結素心雲邊雙翰墮瞻望筦花岑

代輓文安井封君

平陽司李井公尊人

畿甸推黃綺何期隕少微龍蛇悲歲事箕尾失光輝
家訓忠兼孝孫謀德作衣故鄉千里外遙馭白雲歸

聞雁

灌木微霜夜蕭蕭雁陣過聲悲連紫塞羽濕近明河
助力天風少啣蘆矰繳多百年遵渚意吾道任蹉跎
酹高公孟彪墓

高公沒十年矣余未嘗一至其墓衷實缺然
冬日小暇偕甯君雲從往携酒一壺以酹之
神理有知庶幾不負平生之言

幾年埋玉樹此日酹椒漿以我窮途恨看君宿草荒
雲陰呼鶴鵲日氣散牛羊痛念論文友高歌淚數行

其二

故人半長夜悲汝倍難任
天地蜉蝣意平生金石心
仙城長自閉華表竟誰臨
壠月遙空下宵寒狐兔深
寄內弟張一哉茂才

爲問張平子近來安穩無
了知經歲別不寓一行書
抱甕余機盡屠龍爾技踈
黃花新釀熟過訪興何如
絳園懷孫

夫何以云絳園也余膺絳州使君之聘訓其
俊秀館之郡治後居園池中蓋古名云洄漣

亭嘉禾樓卽在其內

孫子仳離甚懷渠切念歸五齡猶襁褓昨日失慈闈
襦欲調寒暑餐誰恤飽饑乳乳去我遠不覺淚沾衣
訪甯君雲從

南北里居近星羅汾水潯烟林合靄色鷄犬接風音
自結素心友各愁華髻侵興來單步往談笑共披襟
初夏苦雨

梅雨連旬黯不開層陰寒結九河隈驚吹翠麥翻芳
壠怯囀黃鸝坐古槐多病欲抽平子賦老狂難負步